



Republika e Kosovës
Republika Kosova-Republic of Kosovo
Qeveria - Vlada - Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development

UDHËZUESI PËR APLIKANTËT E GRANTEVE
PZHRB 2023

Skema e Granteve “Programi për Zhvillim Rajonal të Balancuar (PZHRB)
2023”

- Start - Up;
- LOT I: Biznes ekzistues;
- LOT II: Biznes ekzistues.

Autoriteti Kontraktues:
Ministria e Zhvillimit Rajonal (MZHR)

Afati për dorëzimin e aplikacionit:
Nga 15.05.2023 deri më 05.06.2023 ora 16:00

Përmbajtja

1.	SKEMA E GRANTEVE “PROGRAMI PËR ZHVILLIM RAJONAL TË BALANCUAR”	3
1.1.	Hyrje	3
1.2.	Skema “Programi për Zhvillim Rajonal të Balancuar”	4
1.3.	Synimet e Thirrjes për Propozime	4
1.4.	Përkrahja financiare e ofruar nga Ministria e Zhvillimit Rajonal	4
1.5.	Shumat e granteve	5
2.	RREGULLAT PËR THIRRJEN PËR PROPOZIME	6
2.1.	Kualifikimi i aplikantëve: kush mund të aplikojë?	6
2.2.	Aplikantët që nuk kualifikohen	6
2.3.	Aplikantët që kualifikohen (sektorët)	7
2.4.	Kohëzgjatja e projektit	7
2.5.	Lokacioni i projektit	7
2.6.	Kualifikueshmëria e shpenzimeve: kostot që mund të merren parasysh për grantin	8
2.6.1.	Kostot e kualifikueshme janë	8
2.6.2.	Kostot e pakualifikueshme janë	8
2.7.	Procedurat e Prokurimit	9
3.	SI TË APLIKOHET DHE PROCEDURAT QË DUHET NDJEKUR	9
3.1.	Mënyra e aplikimit	9
3.2.	Ku dhe si të bëhet aplikimi	12
3.3.	Afati i fundit për aplikim	12
3.4.	Informata të mëtutjeshme për aplikimin	12
4.	KRITERET E VLERËSIMIT	13
5.	ANKESAT	13

1. SKEMA E GRANTEVE “PROGRAMI PËR ZHVILLIM RAJONAL TË BALANCUAR”

1.1. Hyrje

Ministria e Zhvillimit Rajonal, bazuar në mandatin ligjor që ka, çdo vit zhvillon, implementon dhe menaxhon programe për zhvillim rajonal të balancuar, programe këto që rrisin zhvillimin socio – ekonomik të balancuar në Rajonet Zhvillimore të Kosovës, kanë impakt të drejtpërdrejt në zhvillimin e bizneseve mikro dhe të vogla, zgjerimin e kapaciteteve të tyre prodhuese apo shërbyese, gjenerimin e vendeve të reja të punës si dhe zvogëlimin e importit dhe nxitjen e eksportit.

Andaj, edhe këtë vit MZHR lanson Thirrjen “Programi për Zhvillim Rajonal të Balancuar” (PZHRB 2023), me qëllim të përkrahjes së bizneseve start-up si dhe atyre ekzistuese.

MZHR përmes këtij programi në koordinim me partnerët ndërkombëtar ka arritur që ndër vite të ndihmojë bizneset të zgjerojnë kapacitetet e tyre prodhuese dhe shërbyese duke arritur një qëndrueshmëri afatgjate të funksionimit të bizneseve, poashtu ka ndikuar në rritjen e qarkullimit të bizneseve, zvogëlimin e importit si dhe nxitjen e eksportit. Poashtu, janë realizuar trajnime për ngritjen e kapaciteteve të qëndrueshmërisë së bizneseve ekzistuese, në veçanti është punuar me kategorinë Start- Up në funksion të përkrahjes së tyre si biznese fillestare.

MZHR si çdo vit, edhe këtë vit do të mbajë sesione informuese për aplikantët potencial/bizneset sa i përket aplikimit online përmes [Email-it sipas Rajonit Zhvillimor \(shih pikën 3.2 të këtij udhëzuesi\)](#) si dhe sesione informuese për implementim të projekteve. Këto sesione organizohen vazhdimisht në koordinim me AZHR-të në Rajonet Zhvillimore me të cilat operon MZHR.

Në këtë kontekst, MZHR ka rritur përkushtimin rreth krijimit të mundësive të reja bashkë me donatorë vendor dhe ndërkombëtar për ngritjen e kapaciteteve për aplikim dhe implementim të projekteve në bashkëpunim me partnerët: BERZH, UNICEF, CARITAS-in Zvicerian, projektet e financuara nga USAID por duke mos u kufizuar tek këta donatorë. Pra kjo thirrje mund të konsiderohet të jetë në partneritetet paralel për programet me donatorë.

Ministria e Zhvillimit Rajonal përmes kësaj skeme mbetet e përkushtuar të mbështesë edhe më fuqishëm projektet e qëndrueshme të udhëhequra nga gratë, të fuqizoj gratë në të bërit biznes si dhe të rrisë kapacitetet e tyre profesionale dhe menaxheriale për një qëndrueshmëri afatgjate të biznesit. Gjithashtu kjo skemë inkurajon aplikime me projekte inovative nga të rinjtë si dhe komunitetet jo shumicë.

Ministria e Zhvillimit Rajonal në kuadër të Programit për Zhvillim Rajonal të Balancuar ka mbështetur dhe vazhdon të mbështesë edhe përmes kësaj thirrje prodhimin dhe shërbimet.

Në vijim, janë të përshkruara të gjitha kriteret e aplikimit dhe udhëzimet për aplikantët potencial.

1.2. Skema "Programi për Zhvillim Rajonal të Balancuar"

Ministria e Zhvillimit Rajonal me lansimin e grant skemës për financimin e sektorit privat, u ndihmon atyre që të plotësojnë nevojat e tyre të bërit biznes.

Synimi kryesor i skemës së granteve për sektorin privat është që të mundësojë që projektet cilësore afariste të implementohen dhe zhvillohen më tej deri në rritjen e kapaciteteve të tyre në të gjitha segmentet duke përfshirë edhe krijimin e vendeve të reja të punës të cilat do të gjenerohen nga rritja e ndërmarrjeve ekzistuese si dhe krijimi i ndërmarrjeve të reja.

1.3. Synimet e Thirrjes për Propozime

Synimi i përgjithshëm i kësaj thirrjeje për propozime është zhvillimi socio-ekonomik rajonal i balancuar përmes zhvillimit të ndërmarrësisë në Rajonet Zhvillimore të Kosovës.

Synimet specifike të kësaj thirrjeje për propozime janë:

1. Përkrahja e bizneseve të reja dhe zhvillimi i bizneseve me potencial rritjeje;
2. Përkrahja e bizneseve që kontribuojnë në zëvendësimin e importeve;
3. Përkrahja e bizneseve që kontribuojnë në rritjen e eksportit;
4. Zvogëlimi i papunësisë përmes krijimit të vendeve të reja të punës, me theks të veçantë për të rinjtë.

1.4. Përkrahja financiare e ofruar nga Ministria e Zhvillimit Rajonal

Shuma e përafërt e kësaj thirrjeje është rreth 1,500,000.00€ (një milion e pesëqind mijë euro) por Ministria e Zhvillimit Rajonal rezervon të drejtën që të mos shpërndajë të gjitha mjetet në dispozicion.

Poashtu, në rast se Qeveria e Republikës së Kosovës ndanë mjete shtesë për MZHR-në në kategorinë grante dhe subvencione, në cilëndo periudhe kohore pas publikimit të thirrjes, atëherë shpërndarja e atyre mjeteve do të bëhet për aplikuesit që janë në listë të pritjes/rezervë nga thirrja PZHRB 2023, deri në shpenzimin e mjeteve të ndara.

Ministria e Zhvillimit Rajonal shumë prej rreth 1,500,000.00€ (një milion e pesëqind mijë euro), do ta ndajë për të tri kategoritë në mënyrë të balancuar për Rajonet Zhvillimore:

1. Në kategorinë Start-Up kanë të drejtë aplikimi individët që nuk kanë ende biznese të regjistruara. Aplikimi mund të bëhet për sektorët dhe veprimtaritë pa përjashtim (përveç tregtia, ndërtimtaria, bujqësia, shëndetësia dhe arsimit);
2. Në kategorinë LOT 1 – biznes ekzisues kanë të drejtë aplikimi sektorët dhe veprimtaritë pa përjashtim (përveç tregtia, ndërtimtaria, bujqësia, shëndetësia dhe arsimit);
3. Në kategorinë LOT 2 – biznes ekzistues kanë të drejtë aplikimi vetëm bizneset që segment të veçantë e kanë prodhimin (ndalohen tregtia, ndërtimtaria, bujqësia, shëndetësia dhe arsimit).

Grantet do të ndahet në tri kategori, si vijon:

1. **Start – Up** - i dedikohet ideve të biznesit për Start-up të cilat nuk janë ende të regjistruara si biznese;
2. **LOT 1 – Biznese ekzistuese - Ndërmarrjet mikro dhe të vogla** me një qarkullim prej 2,000.00€ deri në 29,999.99€ nga viti i fundit kalendarik, të dëshmuara nga ATK;
3. **LOT 2 – Biznese ekzistuese - Ndërmarrjet mikro dhe të vogla** me një qarkullim prej 30,000.00€ deri në 300,000.00€ nga viti i fundit kalendarik, të dëshmuara nga ATK;

Qarkullimi duhet të paraqitet me rastin e aplikimit për grant përmes [Email-it sipas Rajonit Zhvillimor, \(shih pikën 3.2 të këtij udhëzuesi\)](#), përmes dëshmisë për qarkullimin vjetor të dëshmuar nga ATK për vitin 2022.

Ministria e Zhvillimit Rajonal si çdo vit tjetër deri më tani, edhe këtë vit me qëllim të inkurajimit dhe përkrahjes së komuniteteve jo shumicë në Kosovë, nga buxheti i kësaj Thirrje do të dedikojë 10% të këtyre mjeteve për financimin e projekteve të këtyre komuniteteve. Projektet në fjalë do të financohen nëse i plotësojnë kriteret e kësaj thirrjeje dhe i kalojnë të dy fazat e vlerësimit.

Sqarim: Sipas kategorizimit të ATK-së dhe sipas Ligjit Nr. 04/L-220 për Investime të Huaja, ndërmarrjet mikro dhe të vogla kategorizohen:

1. *Ndërmarrjet mikro prej 0-9 punëtorë;*
2. *Ndërmarrjet e vogla prej 10-49 punëtorë.*

1.5. Shumat e granteve

Çdo grant i kërkuar sipas kësaj thirrje për propozime duhet të jetë brenda shumave vijuese minimale dhe maksimale:

Start-up

Nga 2,000.00 € deri në 5,000.00 €;

LOT 1 – Biznes ekzistues - Ndërmarrjet mikro dhe të vogla

Nga 5,001.00 € deri në 15,000.00 €;

LOT 2 – Biznes ekzistues – Ndërmarrjet mikro dhe të vogla

Nga 15,001.00 – 25,000.00 €.

Secili grant i kërkuar sipas kësaj thirrje për propozime duhet të jetë brenda përqindjeve minimale dhe maksimale të kostos totale të kualifikueshme për veprim si në vijim:

- Për kategorinë **START-UP** përqindja e bashkëfinancimit nga aplikantët duhet të jetë nga 10% deri në 40% kurse shuma që kërkohet nga Ministria e Zhvillimit Rajonal nuk mund të jetë nën 60% e kostos totale të projekt propozimit;
- Për kategorinë **LOT 1 – BIZNES EKZISTUES** përqindja e bashkëfinancimit nga aplikantët duhet të jetë minimumi 30% dhe maksimumi 40% kurse shuma që kërkohet nga Ministria e Zhvillimit Rajonal nuk mund të jetë nën 60% e kostos totale të projekt propozimit;

- Për kategorinë LOT 2 – BIZNES EKZISTUES përqindja e bashkëfinancimit nga aplikantët duhet të jetë minimumi 30% dhe maksimumi 40% kurse shuma që kërkohet nga Ministria e Zhvillimit Rajonal nuk mund të jetë nën 60% e kostos totale të projekt propozimit.

Nëse gjatë realizimit të blerjeve, përfituesi ka arritë ta implementojë projektin me çmime më të vogla se sa ato të planifikuara, atëherë mund të zbritet bashkëfinancimi deri në vlerën minimale të lejuar, por nëse projekti është implementuar edhe nën vlerën e bashkëfinancimit minimal, atëherë zbritet edhe shuma e financimit të MZHR-së në mënyrë proporcionale për t'u siguruar që projekti bashkëfinancohet nga përfituesi me vlerat minimale të lartëcekura.

2. RREGULLAT PËR THIRRJEN PËR PROPOZIME

Këto udhëzime përcaktojnë rregullat për dorëzimin, përzgjedhjen dhe implementimin e projekteve të financuara sipas kësaj thirrjeje për propozime. Ekzistojnë tri grupe të kritereve për kualifikim, që kanë të bëjnë me:

1. Aplikanti (ët) që mund të kërkojnë grant;
2. Veprimet (lloji i projektit të biznesit) për të cilin mund të jepet granti;
3. Lloji i kostos që mund të merret në përcaktimin e shumës së grantit.

2.1. Kualifikimi i aplikantëve: kush mund të aplikojë?

Për t'u kualifikuar për grant, aplikantët duhet:

- Të jenë shtetas të Republikës së Kosovës;
- Të jetë ndërmarrje në pronësi 100% private të regjistruar në Kosovë sipas ligjeve të Kosovës¹;
- Të jetë në gjendje të demonstrojë likuiditetin e kompanisë (apo likuiditetin potencial);
- Të jetë i regjistruar për aktivitetet e parapara me veprimin e propozuar në kohën e pranimit të grantit (Start-Up);
- Projekt propozimi i bizneseve ekzistuese që aplikojnë për kategorinë LOT 2 duhet të ketë veprimtari prodhimin;
- Të mund të demonstrojë që të gjitha kontributet dhe tatimet janë përmbushur²;
- Të jetë drejtpërdrejt përgjegjës për përgatitjen dhe menaxhimin e veprimeve.

2.2. Aplikantët që nuk kualifikohen

Aplikantët potencialë nuk mund të përfitojnë grantin nëse gjenden në ndonjërin prej situatave që renditen si më poshtë:

- Kanë bankrotuar apo janë në mbyllje, janë nën administrim të gjykatave, kanë hyrë në marrëveshje me kreditorë, kanë pezulluar aktivitetet afariste, i janë nënshtruar procedurave në lidhje me këto çështje, ose janë në situata analoge

¹ Certifikatën e regjistrimit të biznesit me të gjitha fletët/informatat përcjellëse sipas kërkesave të legjislacionit në fuqi në Republikën e Kosovës, certifikata duhet të jetë e lëshuar nga ARBK sipas numrit unik identifikues.

² Vërtetimi tatimor me validitet në ditën e aplikimit, me të cilën vërtetohet se aplikuesi nuk ka borxhe aktuale tatimore të pashlyera apo obligime të tjera tatimore, ose është në marrëveshje për shlyerjen e borxhit me ATK (mund të nxirret online nga uebfaqja e ATK-së).

që lindin nga procedurat e përcaktuara me legjislacionin apo rregulloret vendore;

- Klasifikimi i tyre në Regjistrin e Kredisë Kosovës (apo siç njihet në banka CRK - Credit Registry of Kosova) të llogarive Personale dhe të Biznesit është nën kategorinë B – përjashtimisht në rastet kur sjellet dëshmia nga banka se biznesi nuk ka obligime;
- Ata, apo personat që kanë autorizim përfaqësimi, vendimmarrjeje apo kontrolli mbi ta, janë dënuar për një vepër që ka të bëjë me sjelljen profesionale me aktgjykim të një autoriteti kompetent (pra kur nuk ka mundësi apeli);
- Nuk janë në përputhje me obligimet e tyre sa i përket pagesës së kontributeve apo pagesës së tatimeve në pajtim me dispozitat ligjore të vendit në të cilin janë themeluar;
- Ata, apo personat që kanë autorizim përfaqësimi, vendimmarrjeje apo kontrolli mbi ta, kanë qenë subjekt i një aktgjykimi të prerë e të plotfuqishëm për mashtrim, korrupsion, përfshirje në organizatë kriminale, shpërlarje të parave apo ndonjë aktivitet tjetër të paligjshëm, ku aktiviteti i tillë i paligjshëm është dëmtues për interesat financiare të Kosovës.

2.3. *Aplikantët që kualifikohen (sektorët)*

Ndërmarrjet që operojnë në prodhimin dhe përpunimin e produkteve, si dhe në shërbimet komerciale janë të kualifikuara të aplikojnë. **Megjithatë luteni t'i referoheni dhe t'i përmbaheni në mënyrë strikte pikës 1.4 të këtij Udhëzuesi, pikave 1), 2) dhe 3).**

Interes i veçantë i kushtohet projekteve që kanë mundësi të zëvendësojnë importet dhe të krijojnë eksporte që mbulojnë nevojat dhe prioritetet e mjedisit lokal.

Sektorët që **NUK KUALIFIKOHEN** në asnjë kategori të kësaj thirrjeje janë:

- Tregtia *(me pakicë dhe shumicë)*;
- Ndërtimtaria *(përveç prodhimit të materialeve që përdoren në ndërtimtari – pra nuk kualifikohet ndërtimi i objekteve, blerja e mjeteve lëvizëse e të ngjashme, por kualifikohen pajisjet për prodhimin e materialeve që përdoren në ndërtimtari)*;
- Bujqësia për Start-Up dhe LOT 1 *(çdo pajisje apo aktivitet që ndërlidhet me fushëveprimtarinë e bujqësisë që financohet nga MBPZHR përjashtimit pajisjet/makineritë për prodhimin dhe përpunimin e produkteve)*;
- Bujqësia për LOT 2 *(çdo pajisje apo aktivitet që ndërlidhet me fushëveprimtarinë e bujqësisë që financohet nga MBPZHR në Masen 1, 3 dhe 7)*;
- Shëndetësia;
- Arsimi.

2.4. *Kohëzgjatja e projektit*

Kohëzgjatja e planifikuar e projektit që financohet nga MZHR nuk mund të tejkalojë **6 muaj** (përveç nëse ndryshe parashihet me kushtet e kontratës).

2.5. *Lokacioni i projektit*

Veprimet duhet të ndërmerren në Republikën e Kosovës.

2.6. *Kualifikueshmëria e shpenzimeve: kostot që mund të merren parasysht përgrantin*

Propozimet për financim duhet të jenë të pavarura teknikisht dhe financiarisht. Veprimet duhet të kenë ndikim të prekshëm dhe të dukshëm tek kompanitë në rritjen e punësimit, rritjen e kapaciteteve prodhuese, përmirësimin apo optimizimin e cikleve jetësore të zhvillimit të produkteve/shërbimeve dhe diversifikimin e produkteve/shërbimeve, kanalet e reja të shpërndarjes dhe shitjes në Kosovë apo tregje ndërkombëtare, zhvillimin e zinxhirit të vlerave dhe të ngjashme.

2.6.1. Kostot e kualifikueshme janë:

Të gjitha shpenzimet duhet të jenë në përputhje me rregullat e përcaktuara me këtë thirrje. Vetëm kostot e kualifikuara mund të merren parasysht për grant.

Llojet vijuese të aktiviteteve në përputhje me synimet e programit llogariten si **shpenzime të kualifikueshme** dhe mund të financohen sipas kësaj thirrjeje për propozime:

- Investimet në asete të prekshme që kanë të bëjnë ose me blerjen e pajisjeve, makinerisë, linjat e prodhimit, softuerë, si dhe të ngjashme apo/dhe përmirësimin e proceseve dhe metodave prodhuese si dhe duke përfshirë asetet që mund t'i ndihmojnë kompanive të jenë më pak të varura nga faktorët e jashtëm;
- Trajnimi i specializuar në lidhje me investimet e lartpërmendura si përsëmbull trajnime për përdorimin e pajisjeve apo teknologjisë së re (*sidoqoftë shpenzimet e trajnimeve nuk mund të kalojnë vlerën më shumë se 10% të vlerës totale të projektit*);
- Aktivitetet marketingu, si përsëmbull pjesëmarrja në panairë, zhvillimi i uebfaqeve, etj., për të promovuar produktet dhe shërbimet nga projekti (*sidoqoftë shpenzimet e marketingut nuk mund të kalojnë vlerën më shumë se 10% të vlerës totale të projektit*);

2.6.2. Kostot e pakualifikueshme janë:

- Borxhet dhe tarifatat e mbulimit të borxhit;
- Provizionet për humbje dhe detyrime potenciale të ardhme;
- Interesat e borxhit;
- Tatimet në të hyra;
- Shpenzimet e deklaruara nga përfituesi dhe të mbuluara nga ndonjë veprim apo program tjetër pune;
- Blerja e tokës, ndërtimi apo riparimi i stabilimenteve/strukturave (përfshirë stabilimentet e depozitimit apo stabilimente/struktura të ngjashme);
- Humbjet në këmbim të valutës;
- Kreditë ndaj palëve të treta;
- Gjjobat, ndëshkimet financiare dhe shpenzimet gjyqësore;
- Shpenzimet e amortizimit që normalisht duhet të jenë pjesë e mënyrës në të cilën ndahen fitimet;
- Tarifatat bankare, shpenzimet e garancive dhe tarifa të ngjashme;
- Kostot e artikujve apo pajisjeve të përdorura;
- Pagat dhe meditet;
- Shpenzimet e lëndës së parë;
- Shpenzimet e tjera operationale (qiraja, rryma, uji etj.)
- Automjetet e transportit;

- Shpenzimet e transportit;
- Inventari: tavolinat, karriget dhe dollapet, përjashtimit ato që ndërlidhen në mënyrë specifike me veprimtarinë.

Nëse kostot e pakualifikueshme arrijnë shumën mbi 20% të vlerës së projektit aplikacioni refuzohet. Shpenzimet e pakualifikueshme janë çështje e përfituesit, prandaj ato nuk duhet të përfshihen në kërkesën për pagesë, kështuqë përfituesi duhet të ketë mjete financiare vetanake për mbulimin e tyre.

Çdo tentim për mashtrim (përshebull: falsifikimi i faturave, manipulimi i procedurave të prokurimit, blerja e makinave apo pajisjeve të përdorura, etj.) do të ndëshkohet me mospagesë të asaj pjese që është subjekt i mashtrimit dhe ndëshkime shtesë deri në përjashtim total nga pagesa, siç parashihet me sistemin ndëshkimor që është pjesë e kontratës.

Është në interesin e aplikantit të paraqesë buxhet realist dhe efektiv për koston, gjithsesi Komisioni vlerësues i MZHR-së ka kompetenca të trajtoj dhe të hulumtojë tregun e çmimeve lidhur me çmimet e paraqitura në ofertë/a dhe buxhet në rastet kur e vlerëson se çmimet nuk janë realiste.

Komisioni vlerësues në rast se dyshon për çmime të manipuluara dhe jo reale, ka të drejtë të marrë sqarime nga Dogana e Kosovës, ATK dhe inspektoriat i tregut. Në rast se Komisioni konfirmon se çmimet e ofruara në ofertë/a dhe buxhet nuk janë realiste, mundet që aplikacionin ta diskualifikojë për mungesë korrektësie.

2.7. Procedurat e Prokurimit

Procedurat e Prokurimit do të jenë pjesë e kontratës së nënshkruar në mes të Ministrisë së Zhvillimit Rajonal dhe përfituesit.

3. SI TË APLIKOHET DHE PROCEDURAT QË DUHET NDJEKUR

3.1. Mënyra e aplikimit

Aplikantët ftohen që të plotësojnë formularin e aplikimit duke përdorur formularin e aplikimit të dizajnuar nga autoriteti kontraktues përmes [Email-it sipas Rajonit Zhvillimor, \(shih pikën 3.2 të këtij udhëzuesi\)](#). Aplikantët duhet t'i përmbahen strikt formateve të aplikimit dhe të plotësojnë paragrafët dhe faqet me rend.

Pako e Aplikimit, në bazë të natyrës së biznesit aplikues ndahet në:

- 1. Pako aplikimi për Start-Up si dhe dokumentet që duhet të plotësohen, ngarkohen dhe të dërgohen përmes [Email-it sipas Rajonit Zhvillimor, \(shih pikën 3.2 të këtij udhëzuesi\)](#) janë:**
 - a. Shtojca A1: Formulari i aplikimit;**
 - b. Shtojca B1: Buxheti dhe Burimet e financimit;**
 - c. Shtojca B2: Projeksioni financiar;**
 - d. Shtojca C1: Deklarata e aplikantit** që merret edhe si deklaratë nën betim për vërtetësinë e dokumentacionit e cila pasi të plotësohet nga aplikanti duhet të konvertohet në PDF;
 - e. Shtojca D1: Plani i veprimit;**
 - f. Oferta për makinerinë apo pajisjet/shërbimet e planifikuara në projekt**

për vlerën totale të projektit - oferta duhet të përmbajë të dhëna të sakta të ofertuesit dhe të dhëna të sakta të marrësit të ofertës poashtu duhet të ketë edhe emërtimin dhe specifikimin teknik të saktë të pajisjes/shërbimit dhe nuk duhet të jetë më e vjetër se data e shpalljes së thirrjes për propozime. Ofertat e marrura brenda vendit, duhet të jenë të nënshkruara dhe të vulosura nga ofertuesi (Ofertat duhet të jenë vetëm në valutën EURO).

Vërejtje: Dokumentet e listuara më lartë duhet të jenë me dukshmëri të qartë rekomandohet të jenë në formatin PDF.

2. Pako aplikimi për LOT 1 - biznes ekzistues, dokumentet që duhet të plotësohen, ngarkohen dhe të dërgohen përmes [Email-it sipas Rajonit Zhvillimor, \(shih pikën 3.2 të këtij udhëzuesi\)](#) janë:

- a. Shtojca A2: Formulari i aplikimit;
- b. Shtojca B1: Buxheti dhe Burimet e financimit;
- c. Shtojca B2: Projekcioni financiar;
- d. Shtojca C1: Deklarata e aplikantit që merret edhe si deklaratë nën betim për vërtetësinë e dokumentacionit e cila pasi të plotësohet nga aplikanti duhet të konvertohet në PDF;
- e. Shtojca D1: Plani i veprimit;
- f. **Oferta për makinerinë apo pajisjet/shërbimet e planifikuara në projekt për vlerën totale të projektit** – oferta duhet të përmbajë të dhëna të sakta të ofertuesit dhe të dhëna të sakta të marrësit të ofertës poashtu edhe emërtimin dhe specifikimin teknik të saktë të pajisjes dhe nuk duhet të jetë më e vjetër se data e shpalljes së thirrjes për propozime. Ofertat e marrura brenda vendit, duhet të jenë të nënshkruara dhe të vulosura nga ofertuesi (Ofertat duhet të jenë vetëm në valutën EURO);
- g. **Çertifikatën e regjistrimit të biznesit me të gjitha fletët/informatat përcjellëse** sipas kërkesave të legjislacionit në fuqi në Republikën e Kosovës, e cila duhet të jetë e lëshuar nga ARBK sipas numrit unik identifikues. Kompania duhet ta ketë të regjistruar si aktivitet primar ose sekondar aktivitetin me të cilin aplikon me projekt.
- h. **Vërtetimi tatimor me validitet në ditën e aplikimit (jo më i vjetër se 90 ditë)** me të cilin vërtetohet se aplikuesi nuk ka borxhe aktuale tatimore të pashlyera apo obligime të tjera tatimore, ose është në marrëveshje për shlyerjen e borxhit me ATK (mund të nxjerret online nga uebfaqja e ATK-së);
- i. **Lista e punëtorëve për vitin e fundit fiskal (2022) të lëshuar nga ATK** (mund të nxjerret online nga uebfaqja e ATK-së);
- j. **Deklarata tatimore vjetore për vitin e fundit fiskal (2022) të lëshuar nga ATK** (të ardhurat bruto të dëshmohen nga Administrata Tatimore e Kosovës për vitin 2022);

Vërejtje: Dokumentet e listuara më lartë duhet të jenë me dukshmëri të qartë rekomandohet të jenë në formatin PDF.

3. Pako aplikimi për LOT 2 - biznes ekzistues, dokumentet që duhet të të plotësohen, ngarkohen dhe të dërgohen përmes [Email-it sipas Rajonit Zhvillimor, \(shih pikën 3.2 të këtij udhëzuesi\)](#) janë:

- a. Shtojca A3: Formulari i aplikimit;
- b. Shtojca B1: Buxheti dhe Burimet e financimit;
- c. Shtojca B2: Projekcioni financiar;
- d. Shtojca C1: Deklarata e aplikantit që merret edhe si deklaratë nën betim për

vërtetësinë e dokumentacionit e cila pasi të plotësohet nga aplikanti duhet të konvertohet në PDF;

- e. **Shtojca D1: Plani i veprimit;**
- f. **Oferta për makinerinë apo pajisjet/shërbimet e planifikuara në projekt për vlerën totale të projektit** – oferta duhet të përmbajë të dhëna të sakta të ofertuesit dhe të dhëna të sakta të marrësit të ofertës poashtu edhe emërtimin dhe specifikimin teknik të saktë të pajisjes dhe nuk duhet të jetë më e vjetër se data e shpalljes së thirrjes për propozime. Ofertat e marrura brenda vendit, duhet të jenë të nënshkruara dhe të vulosura nga ofertuesi (Ofertat duhet të jenë vetëm në valutën EURO);
- g. **Çertifikatën e regjistrimit të biznesit me të gjitha fletët/informatat përcjellëse** sipas kërkesave të legjislacionit në fuqi në Republikën e Kosovës, e cila duhet të jetë e lëshuar nga ARBK sipas numrit unik identifikues. Kompania duhet ta ketë të regjistruar si aktivitet primar ose sekondar aktivitetin me të cilin aplikon me projekt.
- h. **Vërtetimi tatimor me validitet në ditën e aplikimit (jo më i vjetër se 90 ditë)** me të cilin vërtetohet se aplikuesi nuk ka borxhe aktuale tatimore të pashlyera apo obligime të tjera tatimore, ose është në marrëveshje për shlyerjen e borxhit me ATK (mund të nxjerret online nga uebfaqja e ATK-së);
- i. **Lista e punëtorëve për vitin e fundit fiskal (2022) të lëshuar nga ATK** (mund të nxjerret online nga uebfaqja e ATK-së);
- j. **Deklarata tatimore vjetore për vitin e fundit fiskal (2022) të lëshuar nga ATK** (të ardhurat bruto të dëshmuhen nga Administrata Tatimore e Kosovës për vitin 2022);

Vërejtje: Dokumentet e listuara më lartë duhet të jenë me dukshmëri të qartë rekomandohet të jenë në formatin PDF.

Aplikacionet mund të plotësohen në gjuhën Shqipe apo Serbe dhe të dërgohen përmes [**Email-it sipas Rajonit Zhvillimor. \(shih pikën 3.2 të këtij udhëzuesi\).**](#)

Aplikacionet fizike apo të shkruara me dorë nuk do të pranohen.

Të gjitha dokumentet e lartëcekura duhet të jenë të plotësuara në mënyrë që të kalojnë për vlerësim. Prandaj këto dokumente duhet të përmbajnë të gjitha informatat relevante në lidhje me veprimin.

Vlerësimi i aplikacioneve do të përfshijë një **kontroll administrativ** për t'u siguruar që aplikantët kanë plotësuar kriteret e kualifikimit. Procesi i **vlerësimit përmbajtësor** do të konsiderojë nëse aplikacioni demonstroi që ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të kontribuojë drejt përmbushjes së synimeve të Skemës së Granteve për të ndihmuar zhvillimin ekonomik të Kosovës. Grantet do t'u jepen aplikantëve me më shumë poena sipas rënditjes në secilën kategori, deri në kufinjtë e buxhetit në dispozicion.

Në rastet kur ka mos përputhje të vlerave buxhetore në projekt, konfuzitet në përshkrim të projektit dhe gabim në përdorimin e formateve të përcaktuara në thirrjen për propozime, projekti do të diskualifikohet.

MZHR nuk është përgjegjëse për koston që ndërlidhet me përgaditjen e aplikacionit.

Përfituesit (pronarët e bizneseve që kanë përfutur grant) nga skemat **Programi për Zhvillim Rajonal të Blancuar (PZHRB) 2021, Programi për Rimëkëmbje Ekonomike**

(PRE MASA 15) 2021, Programi për Zhvillim Rajonal të Blancuar (PZHRB) 2022, nuk kanë të drejtë aplikimi për këtë thirrje si dhe ata që kanë dështuar në implementimin e projekteve nga këto skema.

3.2. Ku dhe si të bëhet aplikimi

Aplikimi bëhet online përmes [Email-it sipas Rajonit Zhvillimor.](#)

- Për rajonin zhvillimor Qendër, veprimtaritë e bineseve që veprojnë në komunat (Fushë Kosovë, Drenas, Lipjan, Obiliq, Podujevë, Prishtinë, Shtime, Graçanicë) aplikimi duhet të bëhet në emailin: rajoni.qender@rks-gov.net
- Për rajonin zhvillimor Jug, veprimtaritë e bineseve që veprojnë në komunat (Dragash, Malishevë, Rahovec, Prizren, Suharekë, Mamushë) aplikimi duhet të bëhet në emailin: rajoni.jug@rks-gov.net
- Për rajonin zhvillimor Lindje, veprimtaritë e bineseve që veprojnë në komunat (Ferizaj, Gjiilan, Kaçanik, Kamenicë, Viti, Hani Elezit, Novobërdë, Klllokot, Ranillug, Partesh, Shtërpce) aplikimi duhet të bëhet në emailin: rajoni.lindje@rks-gov.net
- Për rajonin zhvillimor Perëndim, veprimtaritë e bineseve që veprojnë në komunat (Deçan, Gjakovë, Istog, Klinë, Junik, Pejë) aplikimi duhet të bëhet në emailin: rajoni.perendim@rks-gov.net
- Për rajonin zhvillimor Veri, veprimtaritë e bineseve që veprojnë në komunat (Mitrovicë e Jugut, Skënderaj, Vushtrri, Mitrovicë e Veriut, Leposaviq, Zubin Potok, Zveçan) aplikimi duhet të bëhet në emailin: rajoni.veri@rks-gov.net

Për Start-Up aplikimi duhet të bëhet nga personat të cilët synojnë të fillojnë biznesin dhe jo nga persona të tjerë në emër të tyre.

Për LOT 1 dhe LOT 2 (biznese ekzistuese) aplikimi duhet të bëhet nga pronarët/aksionarët e bineseve siç figurojnë në certifikatën e ARBK-së apo të autorizuarit e tyre me autorizim të noterizuar.

Sqarim: Një aplikant nuk mund të dorëzojë më shumë se një aplikacion në këtë Thirrje për Propozime, si dhe i gjithë dokumentacioni duhet të përcjellet vetëm me një email.

3.3. Afati i fundit për aplikim

Afati i fundit për aplikim është 05.06.2023, në ora 16:00 përmes [Email-it sipas Rajonit Zhvillimor \(shih pikën 3.2 të këtij udhëzuesi\).](#) Pas këtij afati, nuk pranohen aplikacionet.

Aplikacionet fizike apo me postë nuk pranohen.

3.4. Informata të mëtutjeshme për aplikimin

Pas lansimit të thirrjes dhe publikimit të udhëzuesit, seancat informuese lidhur me këtë thirrje për të gjithë aplikantët e interesuar i organizon Ministria e Zhvillimit Rajonal .

Ministria e Zhvillimit Rajonal do të organizoj sesione informuese në të gjitha Rajonaet Zhvillimore si dhe do të caktojë zyrtarë përgjegjës për dhënien e informacioneve/këshillave për palët e interesuara (brenda objektit Qeveritar ish objekti i Rilindjes, kati përdhësë). Megjithatë, mund të dërgohen pyetje shtesë në email-in: Kreshnik.Uka@rks-gov.net më së voni deri më **24.05.2023** në ora **16:00**.

Me rastin e parashtrimit të pyetjeve ato duhet të jenë të qarta e të detajuara si dhe duhet specifikuar qartë pyetjen për thirrjen për propozime si dhe kategorinë të cilës i referohet.

MZHR nuk ka për obligim të ofrojë qartësime të mëtutjeshme ndaj pyetjeve që dorëzohen pas datës **24.05.2023**

4. KRITERET E VLERËSIMIT

Për të kaluar fazën e vlerësimit përmbajtësor, projekt propozimi duhet të arrijë së paku 50 pikë. Pas vlerësimit, aplikantët do të rënditen sipas pikëve të fituara. Aplikimet me pikët më të larta do të përzgjedhen si përfitues deri në shpenzimin e buxhetit në dispozicion kurse pas shpenzimit të buxhetit, pjesa tjetër e aplikuesve që kanë arritur së paku 50 pikë mbeten në listën e pritjes/rezervë dhe renditja e listës rezervë do të jetë nga aplikantët me më së shumti pikë deri tek ata me më pak pikë të fituara. Lista rezervë mbyllet në përfundim të vitit fiskal 2023, pra nuk vlen në vitin 2024.

Pjesa / Elementet e notimit	Vlera e përgjithshme/Pikët maksimale	
	START-UP	LOT 1 & 2
1. Kapaciteti financiar dhe operacional	20	30
2. Relevanca e veprimit	25	20
3. Efektshmëria dhe arritshmëria	25	15
4. Qëndrueshmëria e veprimit	15	20
5. Buxheti dhe efektshmëria në kosto	15	15
GJITHSEJ PIKË (MAKSIMUM)	100	100

5. ANKESAT

Pas publikimit të rezultateve, aplikantët mund të adresojnë ankesat e tyre përmes [Email-it sipas Rajonit Zhvillimor \(shih pikën 3.2 të këtij udhëzuesi\).](#)